

1.1. jardun-ildoak - Oro har biztanleek, batez ere gazteek, eta bereziki profesionalen kolektibo jakin batzuek, euroeskualdeko hizkuntzei buruz daukaten jakintza- eta erabilera-maila hobetzea

Helburu orokorra

Lortu nahi den helburua Euroeskualdeko herritarrak konektatuta egotea da, hizkuntzaren bidez, eta horrela herritar horiek elkarrekin komunikatu eta elkar ezagutu ahal izatea. Europako herritartasuna eleaniztasuna oinarri hartuta eraikitzen da. Akitania Berria-Euskadi-Nafarroa Euroeskualdeak aberastasun hori baduenez gero, LLETaren helburuetako bat izango da aberastasun horren iraunkortasunean laguntzea, Euroeskualdearen identitatearen berezko elementua baita.

1.1.1 ekintza Euroeskualdeko hizkuntza-egoerari buruzko azterketa sakona egitea eta biztanleak sentsibilizatzea Euroeskualdeko hizkuntzak jakiteak duen balioari buruz

Hedapen-kanpainak egin behar dira Euroeskualdeko hizkuntzak jakiteak duen garrantziaren inguruan, haien erakargarritasuna areagotzeko. Horri esker lotura estuagoak ezarriko dira Akitania Berria, Euskadi eta Nafarroaren artean, bereziki kulturaren, jarduera ekonomikoaren eta hezkuntzaren arloan.

1.1.2 ekintza Euroeskualdeko eremuko hizkuntzak eta bereziki euskara babestea ondare eta hizkuntza komun gisa

Euroeskualdeko estrategiak honako ardatz hauek izango ditu:

- Ikasle eta helduengan euskararen ikaskuntza sustatzea.
- Informazio eta Komunikazio Teknologia Berrien erabilera bultzatzea (prestatuntza-programak, online itzultzaileak, eta abar) bereziki eremu urriko hizkuntzetan, eta gazteei zuzendutako ekimenetan oinarritzea.
- Komunikabideak eta haietan diharduten profesionalak Euroeskualdearen eremua hedatzeko proiektuan sartzea.
- Euskaraz eta okzitazieraz egindako kultura- eta arte-proiektuak, eta hizkuntza horietan eginiko aisiaren inguruko proiektuak bultzatzea.

1.1.3 ekintza Euroeskualdeko hizkuntzak jakiteko aukera sustatzea ikasleen artean, bereziki bigarren hezkuntzan eta Lanbide Heziketan

Hezkuntza- eta prestakuntza-alorra funtsezkoa da eleaniztasun-estrategia orotan. Euroeskualdeko hizkuntzen jakintza eta erabilera bultzatzea proposatu da, bereziki azpimarratuz bigarren hezkuntza eta Lanbide Heziketa

1.1.4 ekintza Euroeskualdeko hizkuntzak jakiteko aukera sustatzea hainbat lanbide-sektore espezifikotan, hala nola merkataritzan, ostalaritzan, turismoan eta pertsonen arretan

Sektore-estrategiak garatzea zerbitzuen sektoreko profesionalen artean Euroeskualdeko hizkuntzen jakintza eta erabilera hobetzeko, profesional horiek harreman handiagoak baitituzte beste eskualdeko pertsonekin. Azken batean, hizkuntza propioen erabilera sustatu behar da Euroeskualdeko benetako herritartasuna finkatzeko prozesuan aurrera egiteko garaian eragile pribilegiatuak diren sektoreetan (hots, merkataritzan, ostalaritzan eta turismoan).



1.2. jardun-ildoak - Kultura euroeskualdeko lankidetzaren benetako ardatz egituratzailea izan dadin lortzea

Helburu orokorra

Euroeskualdea garatzeko estrategia honek kultura-eremuan lortu nahi duen helburua da sortzaile profesionalen kopurua handitzea sektore eta jarduera desberdinak indartzeko, proiektu berritzaileak sortzea (teknologiari loturikoak edo lotu gabeak) sortze-jarduna ahalbidetuko duten baldintzak sortuz, eta biztanleen artean kulturarekiko eta sormenarekiko interes handiagoa eta jarrera hartzaile positiboa sustatzea.



1.2.1 ekintza Europa sortzailearen barruan sartutako proiektuen garapena babestea

Lan-ildoek hiru norabidetan ahalbidetu behar dituzte ekimenak:

- *Profesionalak eta artistak (mugikortasuneko eskualde arteko zirkuituak, artistentzako egoitzak, esperientzien trukeak, prestakuntza-programak eta abar sortzea). Kultura-eremuaren inguruan antolatutako Focus group-ean parte hartu zuten eragileek adierazi zuten esperientziak eta egiteko modu desberdinak trukatu behar direla.*
- *Kultura-proiektuak, ikuskizunen koprodukzioak sustatuz. Gogoeta estrategiko honetan esku hartu zuten eragileek nabarmendu zuten kultura-proiektuak finantzatzeko laguntzak lortu eta bideratu behar direla.*
- *Ikusleak, arte-hezkuntzako eta sentsibilizazioko ekimenen bitartez, kultura-agendaren eta abarren komunikazioa eta hedapena indartuz, kolektibo jakin batzuentzat bono espezifikokoak eta ikuskizunen eskaintza-sareak sortzeko aukera aztertuz.*

1.2.2 ekintza Diziplina anitzeko foro egonkorra eta azoka estrategikoa finkatzea, Akitania Berriko, Euskadiko eta Nafarroako kultura- eta sormen-erakundeek ideiak batera jartzeko eta gogoeta egiteko

948 Merkatua-Nafarroako Arteen Merkatua ekimenaren babesean antolaturiko gogoetan parte hartu zuten sektoreko eragileek oso modu positiboan balioetsi zuten Plan Estrategiko honek eskaintzen zien aukera kulturaren arloan esku hartzen duten Akitania Berriko, Euskadiko eta Nafarroako eragileek ideiak eta kezkek batera jartzeko

1.3. jardun-ildoak - Euroeskualdeko gazteek elkar ezagutzeko eta elkarri eragiteko aukera ahalbidetzea

Helburu orokorra

LLETa etorkizunean Euroeskualdeko eremu kohesionatua, konektatua, eleaniztuna izateko lanean ari da. Eremu horretan enplegu-arro integratua eta osagarria egongo da, elkarrekin harremanak dituzten enpresak eta Euroeskualdeko campusa, goi-mailako irakaskuntzaren, Lanbide Heziketaren eta berrikuntzaren erpin gisa.



1.3.1 ekintza Euroeskualdeko gazteen mugikortasuna sustatuko duten kirol-, kultura- eta gizarte-arloko ekintzak babestea

Hori horrela, bi ekimen pilotu lantzea proposatu da:

- **Gazteen monitoreentzako prestakuntza bikoitza abian jartzea.**
- **Gazte boluntarioen trukea Euroeskualdea osatzen duten eskualdeetako auzolandegietan.**

Euroeskualdeko herritarrentzako elementu mesedegarriz hartu behar da kirola

1.3.2 ekintza Ikastetxeen arteko lankidetzak sustatzea, hainbat ekintza bultzatuz, hala nola ikastetxe-trukeak, gazteek elkar ezagutu dezaten

Akitania Berriko eta Euskadiko eta Akitania Berriko eta Nafarroako ikastetxeen artean trukeak sustatzea, lurralde horietako gazteenek elkar ezagutzeko arloan aurrera egiteko proiektu pedagogiko gisa, norberak bizi izandako bizipenetik kultura arteko esperientzia aberatsa sortuz.